



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS

ISINDEBELE ILIMI LEKHAYA (HL)

IPHEPHA LOKUTHOMA (P1)

2016

IMEMORANDAMU

IMITLOMELO: 70

Imemorandum le inamakhasi abu-8.

ISIGABA A: UKUFUNDA NOKUZWISISA**UMBUZO 1****Ukutshwaya ukufunda nokuzwisia**

- Njengombana itjhejo liqaliswe ekuzwisiseni, ukupeleda okungasikho neemphoso zelimi akukameli kujeziswe ngaphandle kobana iimphoso lezo zitjhugulula okutjhiwoko/ukuzwisia umqondo. (limphoswezo kumele zitjengiswe/zivezwe).
- Nangabe abafundi basebenzise amagama abuya kelinye ilimi ngaphandle kwalelo elihlolwako, ungawatjheji amagama lawo, nangabe ipendulo ipha umqondo, ungajezisi. Nanyana kunjalo, nangabe igama elivela kelinye ilimi lisetjenziswe etheksthini begodu lifuneka ependulweni, lokhu kuzokwamukelwa.
- Iimpendulo ezifuna imibono yabafundi, imitlomelo ayinganikelwa ipendulo yakayIYE/AWA nanyana NGIYAVUMA/ANGIVUMI. Kumele kutjhejwe/kutlonyeliswe ukusekelwa kwependulo kwaphela.
- Akunamitlomelo ekumele yabelwe ULIQINISO/AKUSILO IQINISO nanyana IQINISO/UMBONO.
- Nangabe iimpendulo zifuna igama linye kodwana umfundi yena unikele umutjho woke, tshwaya igama ekungilo ipendulo nangabe lithalelwé/litjengisiwe.
- Nangabe kufuneka amaphuzu amabili/amathathu kodwana kutlolwe amanengi, tshwaya **kwaphela** wokuthoma amabili/amathathu.
- Vumela ukwahluka kwamalimi wesiphande (isiNzunza nesiNala).
- Emibuzweni la kukhethwa ipendulo enembako, yamukela kokubili, iledere elikhambisana nependulo ekungiyo NANYANA ipendulo nayitolwe ngokuzeleko.

- 1.1 1.1.1 Uthi babizwa ngabatlhorisi ngombana baphuma ijima lokutlhorisabanye abantu. (1)
- 1.1.2 - Babatlhorisa ngeenkulomo (Bakutjela emehlwani indlela onganalwazi ngayo, baba namaganyana ahlabako).
 - Babatlhorisa ngezenzo (Ukuthusela, ukukurhuwelela alemukise ezinye iinsebenzi ngesenzo sakho senzileko).
 (Nanyana ngiziphi iimpendulo EZIMBILI ezigehla) (1)
- 1.1.3 Unobangela kukobana usuke ambona asendlelenakhe yokwenza ubukhwabanisi/Amliya ukufumana okuthileko njengesikhundla. (1)
- 1.1.4 - Abathlorisi abazikhukhumezako, lomhlobo uyathusela, uyabetha bewuleyela abongazimbi babo amala.
 - Abathlorisi abazifihlako, lomhlobo uenza abantu abalungileko kanti babakhohlisi, basebenzisa imizwa yabongazimbi babo ukuze bathole ubuthakathaka babo kanti banjalo nje babuswa mumona bebatanda nokutjhejwa.
 - **Tjheja:** Umfundi nakatlole kwaphela imihlobo emibili yabatlhorisi akatlonyeliswe imitlomelo emibili bese ujeziswa imitlolo emibili nakangakayirhunyezi). (2)
- 1.1.5 Zingitjela bona yena ngokwakhe usuke angazithembu, unokuzinyaza/Zingitjela bona usuke anyaza ikulumo yaloyo muntu okhulumako/Unenyazo/Zingitjela bona usuke afuna ukuzibonakalisa kwanga yena ungcono kunalomuntu okhulumako. (Nanyana ngiyiphi ipendulo ezwakalako engavezwa mfundi izakwamukelwa). (2)
- 1.1.6 Umukghwa lo usivezela bona abosomabubulo abanengi abanandaba namalungelo wabasebenzi babo kodwana bazitjhejеле inzuso kwaphela.
 (Umfundi angayibeka ngeyakhe indlela ezwakalako izakwamukelwa). (2)
- 1.1.7 C/Isisebenzi siyatjharagana besiphelelwe kukuzithemba. (2)
- 1.1.8 Ngicabanga bona zisuke zizincengela bona abatlhorisaba bangajikeli ngakizo nazo zigcine sele zibongazimbi bokutlhoriswa/ Kusuke kuyindlela yokuzivikela ebatlhorisinaba.
 (Umfundi angayibeka ngeyakhe indlela ezwakalako izakwamukelwa). (2)
- 1.1.9 Umphumela kungaba kukobana amabubulo wabo agcine selawile ngombana iinsebenzi ezitja azinawo amaboni womsebenzi ezizabefziwenza/Umphumela kungaba kubulunga imali ngombana iinsebenzi ezitja zizokurholelwa imali encani nakumadaniswa nemali ebegade irholelwa iinsebenzi eseles zinesikhathi eside zisebenza.
 (Umfundi angayibeka ngeyakhe indlela ezwakalako izakwamukelwa). (2)

- 1.1.10 Ngingaqatjha abaphathi abazokukghona ukusebenzisana neensebenzi ngendlela ehle nekhombisa ukuzwana nazo ngombana nginekolelo yokobana isisebenzi sisebenza ngcono khulu emsebenzinaso nasisebenza ngehliziyo etjhaphulukileko nezele ithando kunaeso esisebenza ngehliziyo ebuhlungu nezele ukwesaba nokukwata.
(Umfundi angayibeka ngeyakhe indlela ezwakalako izakwamukelwa). (2)
- 1.2 1.2.1 - Esithombeni soku-1 kubonakala umuntu owenganyelwe sisandla ngaphezulu nokukhombisa bonyana kunomphathi amsabako ngaphezu kwakhe/amengameleko/okukhombisa bona uyagandelelw/uayanayazwa. (1)
- Esithombeni sesi-2 kubonakala umuntu okungenzeka bona mphathi ahlukumeza omunye ngokumkhombakhomba ngomuno kabuhlungu. (1)
- 1.2.2 Kutlhoriswa kokugandelelw mphathinofana isikhulu emsebenzini ngombana isandla esibonakalakwesi silitshwayo lokobana isisebenzesi siyagandelelw/siyazivikela.
- Tjheja: Umhobo wokutlhoriswa limaraga elilodwa bese ukusekela kuba limaraga elilodwa). (2)
- 1.2.3 Ngiyaphikisana nesitatimendesi, eenthombeni ezingehlezi abantu ababatlhorisaba nalaba abatlhoriswako babonakala bababantu abenza imisebenzi yabantu abafundileko ngombana umtlhoriswa esithombeni soku-1 ubophe ithayi bese umtlhorisi nomtlhoriswa esithombeni sesi-2 babonakala bambethe iinsudu. (2)
- 1.2.4 Esithombenesi kubonakala umuntu onzima athorisa umuntu omhlophe nekuisenzo esasingeze senzeka ngesikhathi sebandlululo, okutjho khona bona mbala izinto sezitjhugulukile. (Nanyana ngiyiphi ipendulo enembako ingathathwa). (2)
- 1.2.5 Ngingathi uwela ngaphasi kwabatlhorisabi azikhukhumezako ngombana kuthiwa lowomhlobo wabatlhorisibyabetha, njeke nasiyelela ubujamo bomtlhoriswa osesithombeni lo ukhombisa abalekisa ubuso bakhe bona bungabetjhw.
- Tjheja: Umtlomelo owodwa ngewokuveza umhlobo womtlhorisi bese owodwa ngewehlathululo). (Nanyana ngiyiphi ipendulo enembako izakwamukelwa). (2) [30]

IMITLOMELO YESIGABA A: **30**

ISIGABA B: UKURHUNYEZA**UMBUZO 2**

Ukurhunyeza okumayelana namaphuzu walokho **okungenziwa mbelethi okhulisa abentwana akude nekhaya.**

UKUTSHWAYWA KWESIRHUNYEZO

Isirhunyezo kumele sitsihwaywe ngalendlela:

- **Ukwabiwa kwemitlomelo:**
 - 7 imitlomelo emaphuzwini ali-7 (Umtlomelo owodwa kilelo nalelo phuzu eliqakathekileko).
 - 3 imitlomelo yelimi.
 - Inani loke: 10.
- **Ukwabiwa kwemitlomelo yelimi lokha ohlolwako nakasebenzise amagamakhe.**
 - 1–3 yamaphuzu alungileko: nikela umtlomelo owo-1.
 - 4–5 yamaphuzu alungileko: nikela imitlomelo emi-2.
 - 6–7 yamaphuzu alungileko: nikela imitlomelo emi-3.
- **Ukwabiwa kwemitlomelo yelimi lokha ohlolwako angakasebenzisi amagamakhe.**
 - 6–7 imidzubhulo: akunamlomelo.
 - 1–5 yemidzubhulo: nikela umtlomelo owo-1.

TJHEJA:

- **Ukubala amagama:**
 - Abatshwayi kumele baqinisekise inani lamagama asetjenzisweko.
 - Ungaphunguli imitlomelo nangabe ohlolwako khenge atjengise inani lamagama alisebenzisileko namkha nangabe inani atbole bona ulisebenzisile akusingilo.
 - Nangabe ubude obulindelweko budlulile, funda bewufike emagameni ama-5 bese awusarageli phambili nesirhunyezweso.
 - Ilinrhunyezo ezifitjhani kodwana zinawo woke amaphuzu aqakathekileko akukameli zijeziwe.

Isigaba sesirhunyezo

Thoma ngokobana ufundise abentwabakho ngobunjalo bepilo. Bafundise ukuhlonipha woke umuntu ngendlela abakuuhlonipha ngayo. Abentwabakho bafanele balandele imithethwakho nanyana ungasi seduze nabo. Bafanele bazi bona uzokukhamba isikhathi esingangani begodu uzokubuya nini ekhaya. Balawule wenzelabona bangaphumi endleleni. Cocisana nabo ngokobana nitlolelane imilayezo ngabomaliledinini, bakutjеле ngakho koke abakwenzako. Zinikele isikhathi sokubalalela kikho koke abakutjela khona bewuzame ukubakhuthaza eentweni abazenzako. Nawusekhaya banikele isikhathi sakho soke nenze izinto ngokuhlanganyela bewubasize nemisebenzinabu yesikolo.

Inani lamagama asetjenzisweko = 67

Tjheja: Imidzubhulo esekholomini yokuthoma yenzelwe ukukhumbuza abatshwayako ngemitjho edzujulwe bunqopha etheksthini.

	IMIDZUBHULO ESETHEKSTHINI		AMAPHUZU AQAKATHEKILEKO
A	'Nanyana ungaba kude kangangani nekhaya ufanele ubafundise ngelwazi lepilo nekukulapho kuthoma khona ukuba mbelethi wamambala.'	1.	Fundisa abentwabakho ngobunjalo bepilo.
B	'Balemukise bona ihloniphо kuyinto yokuthoma okumele babe nayo njengombana bazabe bangahlali nawe kodwana bahlala nabatlhogomeli.'	2.	Bafundise ukuhlonipha woke umuntu ngendlela abakuhlonipha ngayo.
C	'Abentwana bafanele bahlale basazi bona ukuba kude kwakho akutjhugululi imithetho yekhaya, njeke lokho kumele kungabi sizathu sokobana bangaziphathi kuhle.'	3.	Abentwabakho bafanele balandele imithetho yekhaya nanyana ungasi seduze nabo.
D	'Ungalisi ukubalawula ngombana ujisola, ufunu ukuba mbelethi othandwako nanyana sele ubona bona abentwana baphuma elawulweni.'	4	Balawule wenzele bona bangaphumi endleleni.
E	'Ngaso soke isikhathi yazisa abentwabakho ngehlelo lakho lomsebenzi; bazi bonyana uzokubuya nini ngombana ukuhlukana kwamalunga womndeni kubuhlungu begodu akujayeleki.'	5.	Bazise bonyana uzokubuya nini ekhaya.
F	'Ukucoca nabentwabakho ngokuthumelana imilayezo nawukude nabo ngenye yeendlela ezlula ezizokwenza bona wazi ngalokho abakwenzako emaphilwenabo njengoba wena uzabe ungababoni.'	6.	Ungahlala ucocisana nabo ngokobana nitlolelane imilayezo ngomaliledinini.
G	'Bakhuthaze, ubaphe amandla ngokulalela abakutjhoko nanyana kuzwakala kukuncani ngombana lokho kuzobatjengisa bona unendaba nabo.'	7.	Bakhuthaze bewubalalele ezintweni abazenzako.
H	'Hlela isikhathi esikhethekileko nabentwabakho nawusekhaya ngepelaveke nanyana kusekupheleni kwenyanga.'	8.	Nawusekhaya hlela isikhathi sokwenza izinto ndawonye. Inani lamagama asetjenzisweko = 47

ISIGABA C: IZAKHI NEMITHETJHWANA YOKUSETJENZISWA KWELIMI**UMBUZO 3****Ukutshwaya isigaba C****• Ukupeleda:**

- limpendulo ezifuna igama linye kumele zitlonyeliswe nanyana kungakapeledwa kuhle, ngaphandle kobana iphoso itjhugulula ihlathululo yegamelo/okutjhiwo ligama lelo.
- Eempendulweni ezimumutjho opheleleko, ukungapeledi kuhle akujeziswe nangabe iimphoso zisesakhwiwi selimi elihlolwako.
- Nangabe kuhlolwa isirhunyezo, ipendulo kumele ibe netshwayo elifaneleko, ungci.
- Ukwakheka kwemitjho kumele kukhambelane nehlelo begodu kunikelwe ngemitjho ezeleko/njengokutjho komyaloo.
- Emibuzweni la kakhethwa ipendulo enembako, yamukela kokubili, iledere elikhambisana nependulo ekungiyo NANYANA ipendulo nayitlolwe ngokuzeleko.

3.1 Umtloli wesikhangiswesi uwalandele ngefanelo amaqhinga wokukhangisa ngombana:

- Amagama asetjenziselwe ukudosa abathenginofana abantu atlolwe ngamagabhadlhela.
- Isithombe somkhiqizo/salokho okukhangiswako siveziwe.
- Bakhombise isikhumba esinamagazuka sangaphambi kobana umuntu asebenzise isezeneswesi nesikhumba esitjhelelako sangemva kobana asisebenzisile.
- Umtloli usebenzise ilimi lokurogela ngamagama athi, 'Zizwe unokuzithemba ngokuba nesikhumba sesana' esikhangisweni sakhe.
- Imigomo nemibandela itlolwe ngamaledere amancani ukwenzela bona abantu bangayiboni basese kude.

(limpendulo EZINE kezingehla).

(4)

3.2 Kungombana kumagama wesiNgisi atlolwe hlangana namagama wesiNdebele.

(1)

3.3 C/EsiKhathini sakade.

(1)

3.4 Lisisabizwana sobunikazi/songumnini/ubunikazi/ubumnini.

(1)

3.5 Lilimi elikhohlisako/elidlezelako/elirogelako/elidosako.

(1)

3.6 Ubaba wakhamba umnyaka **tomu**, azange aba nendaba bona sasilala sidleni.

(Umfundi angasebenzisa isenzukuthesi emutjhweni azitlamele wona).

(2)

[10]

UMBUZO 4

- 4.1 Dade. (1)
- 4.2 Isifaniso/Isimanyaniso. (1)
- 4.3 -**isis**- silungelelo sepambosi yokwenzisisa. (1)
-**an**- silungelelo sepambosi yokwenzana. (1)
- 4.4 Mfo, mbawe wena ubaba **ngombana** ninaye niyazwisisana. (2)
- 4.5 Sipho **gijima** uyokunikela uyi hlo ukudla kwakhe emasimini.
(Nanyana ngiwuphi umutjho umfundu azazitlamela wona onesenzo '**gijima**' uzakutlonyeliswa). (2)
- 4.6 Amagama akhulunywa ngubaba lo asitjela bona akakathabi nakancani ngakubona kwenze ka kumabonakude ambukeleko lo/udanile ngokwenze ka kumabonakude ambukeleko lo/Amagama la aveza bonyana ubaba lo uthatha ihlangothi ngombana ngokuya ngaye besana kwaphela abakghona ukugijima, abentazana abakghoni. (2) [10]

UMBUZO 5

- 5.1 Lisuselwa esenzweni 'nyaza'/Lisuselwa esenzweni. (1)
- 5.2 Ngiyazibuyiselela. (1)
- 5.3 - Ihliziyi (libizo). (1)
- Yakhe (sisabizwana sobunikazi/songumnini.) (1)
- 5.4 Ulingile ukuyibonisana noMsongelwa indaba kaSphenge le. (2)
- 5.5 - Ngithe nangithi ngivula umnyango ngawufumana ulodlhelwe. (1)
- Umfowethu, uZondiwe usebenzela umNyango wezoBulungiswa esifundeni seMpumalanga.
(Nanyana ngimiphi imitjho enemiqondo efana nale etlolwe emutjhweni engehla izakwamukelwa). (1)
- 5.6 UJamehloko angeze angihlula mina, nange angangihlula ngingabuyela kibili.
(Nanyana ngiwuphi umutjho ozwakalako ikani nakasebenzise isitjho esithi: 'ukubuyela kibili.' (2) [10]

IMITLOMELO YESIGABA C: 30
INANI LOKE: 70